

Die Ohnenheim Mieh

Die Reed waar gewwe beim Amos Hoover uff der 9t Augsch, 2025 an die Muddy Grick Farm Library (Effridaa)

Amos: "Was ich hab zu saage hat mennscht zu du mit die mennische Geschichte. Ich *apologize* zu die Leit es nett intressiert sinn. Menscht von die Mennische denke, es mir sorte zwee Aafange vun die Mennische henn. Mir henn die Nidderdeutsche, ass herkomme vun Menno Simons unn sodergleich. Mir henn aa die Hochdeutsche, ass von die Schweitze komme. Die Ausbund saagt vanne drin: "G'schriwwe bei die Schweitze Brieder".

En Zuheerer: "Amos, wann Du schwetscht vun die Hochdeutsche, bischt Du am schwetze vun die blehne (Plain) Leit un die net blehne?"

Amos: "Yahre zurick, der "Hochdeutsch" hat g'meent "*Elevation*". Ich denk's meent nimme ganz sell. Die Leit vun die Schweiz, sell's wu die Mennische g'schtaehrt henn, die eent Sort, un die sinn unsere Sort Mennische. Die Blattdeutscheleit henn en viel gresere *Success* so weit es *die* Nummers gehn. Sie sinn ganz iwwer g'schtreut. Ganz iwwer Nord un Sudamerika un noch weiter. Die Schweiter Brieder henn sorte *separate* aag'fange. Der Menno grickt mennscht vun der Kredit fer Sie z'samme grieh in die Nidderlaender, un awwer, er hat net so gut geduh mit die Schweitzer. Er hat *actually* sie all in der Bann geduh. Wann Du guckscht im Menno Simons Buch, "*Reply to Sylis and Lemke*". Sell iss en Antwort zu die Schweitzer Brieder. Er hat gar nett z'weeg komme kenne mit Sie. Awwer, immer zitter sell henn die Schweitzer Brieder un die Nidderland Mennische browiert sich vereeniche. Schon in 1590 war es, was sie "*Concept of Cologne*" g'heese henn. Wann weiter gehe witt, kannscht du's aa uffgucke im *Mennonite Encyclopedia*. In 1591 henn Sie schon en grosse *Meeting* g'hatte fer browwiere eenich warre. In die Schweiz hat es so en schlimme Verfolging gewwe. Die Schweitzer Brieder sinn aus die Reformierte Karich komme, un die Reformierte henn die Schweitzer Brieder datt raus yaage welle. Es war seefer fer sie in deel vun die annere Laender. So wie in der Palz un aa in Elsass (*Alsace* saagt mer im Englische). Es waare aardlich Schweizer Leit in Alsace nei gezooge. Noh, henn die nordliche Mennische (in die Nidderlenner) browwert die Schweizer mit helfe. Eeh Ding, ass die Schweizer geduh henn, iss schtoppe sich der Name Wiederteifer heesse (weil es en ganz schlechter Name g'rechelt war), es war schun gehe die katolische Ordnung en dausend Jahr. Ich meint der Gary Waltner (ass do hiwwe war) saage, ass die Landeegener (in der Palz un in Alsace usw) henn g'sagt, ass Sie henn die Schweizer gegliche. Die Schweizer waare "die Flichtlinger", ass raus aus die Schweiz kumme sinn, un sie henn in Suddeitschland gsettelt. Un ess waar ihne gsaat "heeset eich selwert Mennische. Sell iss viel besser ass eich Wiederteifer heese, es iss gehe der Regel." Un noch emol eens, an sellre Zeit henn die hollandische Mennische en guter Name g'hatte. Der mennische Name waar viel seefer als wie Wiederteifer. So iss es vorgfalle, ass die Schweizer "Widderdaafer" henn browwert der Mennische Naame aanemme.

Eeh gros Ding hot bassiert in Ohnenheim viel Centuries zerick. Ohnenheim iss mittes in Elsaess. Elsaess iss en gleenes Schlifferland zwischich Frankreich unn Deitschland. (to be continued)

Mir ware juscht driwwe in Elsaess g'west letscht Summer. Mir waare am neekst bei Ohnenheim faare uff der Bus, un Ich hab browwiert der Busdriwer Saage, "Mach halt doh, es iss en wichtich Ding doh!" "Nee, henn Sie g'saat, es Owwetesse iss am warte, Mir misse weiter geh." Noht, der neckst Daag henn Mir en Taxi grickt unn sinn zurick nach Ohnenheim gange. Mir henn's schier nett erkenne kenne. Dess doh sinn zwee Pickters von Ohnenheim. Sell iss en satt *Sign* es ma seeht. Wann en Schtreefe darrich iss, sell meent es du es schteddel am verlosse bischt. Sell is wie sie dien in Deutschland.

In Onenheim es hott so en grossi Miehl un datt drin henn die Hollendische Mennische un die Schweitzer widder daafer en *Meeting* ghatte. Der T.T.van Sittert hat browwiert Sie vereeniche. Er war der *Chairman* an die *Meeting*. Sittert iss noch en Name es Du uffsuche witt in die *Encyclopedia*, wann so dief geh witt. Doh iss en alt Buch es Er g'macht hat. Ich glaub Er hat nie nett verschtanne wie wichtich es dess Buch iss. Er hat en Vorschrift g'schriwwe von 8 Blaetter, unn noht hat Er 18 Artikele in Hochdeitsch (g'schriwwe) fer's erscht Mal. Dess war in 1660, es Sie sich vereeniche henn welle. Sie henn an die Dortrecht Kofession geguckt. Sell war von die nordliche deutsche Mennische. Sie henn browwiert dess uff die Schweitzer eisetze. Sie ware all *Swiss Refugees*. So, noht doh hat Er en gleener schweitzer *History* wie die Schweitzer Leit aus der reformiertische Karrich) komme sinn. Sell heest en "Anhang", sell's arriets doh in die Mitt. Sell hat en wunderbarer *History*. Ich hab mal sell in Englisch geduh, fer es en wennich leichter mache. Un siss doh hinn g'schriwwe aa. Die Mary Miller hat dess *fancy* Buch g'macht. 'S iss es Amischgebetbuch "*Die Ernsthafte Christenpflicht*". Der John Martin hat sell *translate* unn Er hat g'saagt "dess doh iss zu viel *History* ess geht mitt unn ich der (Amos Hoover) sett Ihm helfe uff sell. So, hab Ich g'holfe mit die 30 *Pages*: "*Our Fervent Prayers*".

Dess doh is der Anhang un Dess doh saagt, "Die Folgender Schein (certificate)" iss von die Brieder in Elsaas"... unn so weiter. 'S iss in ortlich viel Hochdeitsch g'schriwwe. Vorbei *Page 34* iss en Anhang weehe en *Meeting* es g'halte ware iss in 1660. Sell's was dess doh iss der weehe.

So die Meeting zwischich die Schweitzer un die Hollendische war g'halte in die Miel. Die Miehl is samm zeit ausgebrennt in die letschte 40 jaar. Es war nix meh gleiche. Ich hab's g'seehne g'hatte 40 Jahre frieher. Der Delbert Gratz hat mir verzeehl deweege. Die Amerikaner Turister henn nett doh nei schtoppe velle. Awwer doh an die Miehl henn Sie browwiert die Schweitzer zu die nordliche Sort Mennische mache. Ich bin ganz schlecht an Fransoesisch leese, awwer es guckt es wie es leest wie "An die Miel in *February* 1660 war die *Confession of Faith* es die Hollender *adopt* henn in 1632 aagenomme bei die Schweitzer."

The following attestation was signed by the brethren in Alsace, who examined this confession and adopted it as their own:

We, the ubdersigned, ministers of the Word of God, and elders of the church in Alsace, hereby declare and make known, that being assembled today, the 4th of February in the year of our Lord 1660, at Ohnenheim, on account of the Confession of Faith, which was adopted at the peace convention in the city of Dort, on the 21st day of April in the year 1632, and having examined the same and found it,

***according to our judgment, in agreement to the Word of God, we entirely adopted it as our own.
Which we have in testimony of the truth, a firm faith, signed in our own hands, as follow:***

Ministers:

Magenheim ---John Miller Heidelberg --- John Ringer

Baldenheim --- Jacob Schnewli (Snaveley)

Isenheim --- Henry Schneider (Snyder) Kunenheim --- Rudolph Egli

Markirk --- Adolph Schmidt (Smith) Elders:

***Markirk --- Jacob Schmidt (Smith) Bertram Habich Ohnenheim --- Ulrich Husser Jacob
Gachnauer (Gochnauer)***

***Jepsenheim --- John Rudolph Bumen Duerrsanzenheim Jacob Schneider (Snyder) Kunenheim ---
Henry Frick***

Was die Hollander ihre Namer sinn kann Ma schier gar nett ausspreche. Awwer noht uff die neckscht *Page* hab Ich g'meent wer wennich *easier* zu leese es wie der Deitsch. #58 iss die extra Blatt. Doh saagt's Sie ware Schweitzer unn's mennscht von die Neemer ware: Miller, Schneepli, Schneider, Schmidt, Gochenour unn wennich sodergleich. So, die Schweitzer, fer's erscht Mal in 1660 henn der Hollendischer Glaawwe aag'nomme.

Juscht fer ee *Sentence* do leese: "*The Following Attestation is signed by the Brethern in Alsace who examined this Confession and adopted it as their very own.*"

Sell iss es Ding es die Schweitzer zu Mennische g'macht hat. Dess report is in die 1660 *First time Germans 18 Articles*. Un Sell iss was Uns Mennische g'macht hat. Es hat Uns *officially* Mennische g'macht.

Mir henn nie nett ganz nei gebasst in die hollendische Schproch unn sodergleich. Awwer Mir henn viel g'lehnt (von die Hollander).

Mir henn die *Martyrer Spiegel* grickt fer en *Example*. In der *Process*, awwer, vun demm wunderbar *Martyr's Mirror* griege von die Hollender, henn Mir henn sorte *Sight* (Eisicht) verlore von unsere Schweitzer Herkommen. So wie wie Sie g'schaert sinn unn wie Sie wegg gebroche sinn von em Ulrich Zwingli. Sell iss gar nett in der "*Martyrer Spiegel*".

Sell iss meh vun en Hollendische *Viewpoint*. Sis graad wie Flüchtlinge kumme heit vun Rusland. Mir browwiere Amerikaner mache aus Sie, awwer Es schafft nett arrick gut.

Zu Heerer: "Amos, Du saagscht die Lengeschter Kounti Mennische ware *originally* von der Schweiz?"

Amos: "Ja."

Zuheerer: "Ware die Frankonia Conference Leit aa *originally* von die Schweiz komme"?

Amos: "Die menscht ware Schweitzer, awwer, grad im Aafang, ware es Hollender dort in Germantown. Ich denk der William Penn hat Sie (die Hollander) eigelaade in 1681. Zweek Jahre schpeeter sinn die erschte komme. Sie ware menschlich Nidderdeitsche (hollendische) Leit. Mir Schweitzer henn *differente* sache g'lernt von die Hollender.

Der Clarence Kulp hat mich 's erscht g'saagt es mir henn viel g'lernt von die *Quakers*. Sell hab Ich schier nett glaawwe kenne. So weit es von die weisse Kappe; Er hatt G'saagt, die Schweitzer henn immer die schwartze Keppdicher g'hatte. Die weisse Kappe fer die Weibslait, sell henn mir g'lernt von die *Quakers*. Es war darrich die halbleinische *Quakers* es Mir en besondere Eilading grickt henn vom William Penn. Sell hab Ich schier nett glaawwe kenne! Awwer, 's iss wennich seller Weg gange. Ma muss *realisa* es die Erschte es komme sinn ware ortlich geeiflusst von die *Quakers*. Mir misse browwiere paar Hundert Jahre *History* decke in en paar Minute.

Awwer, enni hau, uuf *Page* 58 kann mer aa die Nehmer ausschpreche. Sell saagt wie Sie in die Schweiz unn in Ohnenheim ware.

Zerick kumme zu unser trip noch Alsaess, Mir sinn endlich dort ahne komme. Mir henn endlich die Miel g'funne, Sie war ausgebrennt g'wesst. Ich war am gucke am zwette Stock. Es ware Bleck unn Ungraut dort im erschte Stock. Die Deehr war zu hoch am gucke, awwer, noht henn Mir der *Plaque* doh g'funne. Der Teitlich saagt es dess iss gewiss der Blatz, wu Mir am suche sinn defor. Noht iss glei der Eegener uff g'stanne, Mir ware ortlich frieh Marrjets dort. Mir henn Ihn wennich auser Bett verstort. Unn Mir henn jeders en Backeschtee uuf gepickt. Die Leit henn nett verschteh kenne was Ich mit dem Backeschtee hab welle! Awwer dess doh iss wass der plaque saagt:

"The Ohnenheim Mill; Swiss Brethren Refugees became Mennonites February 04, 1660, by merging and accepting the 1632 Confession. Chaired by T. T. van Sittert. Mill burned out in 2016, bricks salvaged July 1, 2024."

Es hat schpeeder ghaeppent Drei Mal ess die Pelzer, unn aa viel Andere henn der Dortrecht Confession aag'nomme.

Unn noht, wann sie mal hiwwe in dem Land ware, war so en Bangichkeit weech die Deitsche am rei komme es Sie die Shiplists required henn in 1725 unn 1726. Noht, in 1727 henn all die Mennische, *including* die in Lengeschter Kaunti, nochemal der Dortrecht Confession unner g'schriwwe.

Ich saag noch Eppes weech Ohnenheim: Iwwer 50 procent von die eiwohner in Ohnenheim ware Schweitzer *Refugees*. Die Leit henn Sie gegliche fer schaffe, Sie ware gute Bowwer unn der van Sittert war von Holland. Er hat 're schweitze Fraa g'heiert. Er war gut an sich aamache mit die Schweitzer. Noht, dreisich Jahr schpeeter war die Amische Schpalting. Unn eens von die Briefe kommt von dort.

Die zwett helft ess folligt, vum Amos Hoover sei Reed, waar uufgeschriwwe beim Caleb Franks:

Amos macht weider: Un Doh saagt 's, (dess iss nau Englisch). Dess doh iss *Letters of the Amish Division, a Source Book by John Roth, 1993*. Mir henn en anners ghatte aa ess saagt 'bout es seem Ding. Awwer ennichau, doh sinn en Latt Signatures, vun 1693 unn dess waar in die Onen Miehl. Unn doh saagts weeich briefe ess waare datt raus gecopied, vun Leit ess aa datt waare, Die Schpalding waar in 1693, un sie henn ess nie nett widder zerick zamme bringe kenne, es sinn Yeeder ihre eegner Weeg gange."

En zuheerer: "Hent dir psuuche kenne mit die Allsaesser? Waar ihre Deitsch neeckscht genunk zu unser Deitsch ess dir schwetze hend kenne mit 'ne?"

Amos: "Ya. 'Bout alle epper in Allsaess iss zwee-schpreechlich. Unn ich hab deel Leit aagedroffe yaare zerick, ess du hettscht yuuscht graad declared sie waare vun Lengeschder Kaundi. Sie henn graat so schee Deitsch schwetzt graad wie deer Man do hiwwe ess iss vum ewerschder Kaundi runner kumme, un er schwetzt graad eweck Deitsch. Un sell is wie ess waar in Aellsaess aa. Ich bin ee mol schier hinnerich umgfall. Sie henn gschwetzt weeich siess welschkann! Sell hawwich gemeent deet mer nett finne im alte Land. Ich hap gemeent es Welschkann waar vun do hiwwe.

En zuheerer: "Ich hett e glee wennich fer saage weeich die Quaker. Ich bin zerick gange darich die noochneeme, zerick gange do hiwwe fer browiere en wennich ausfinne wass fer freindschaft ess sie kumme sinn devun, un doh waare 2 Oberholzer drunne in Germantown gewest ess Quaker Meed gheiert henn. Die eent ihre leddicher Naame waar Palmer un der Daed vun die Palmer fraa waar aus England kumme. Er iss riwwer kumme us sei dochter hott en Oberholzer gheiert. Unn sie henn gsaat die Quaker unn abbadich die Nidderdeitsche do hiwwe, waare zu me deel zamme kumme, un oft henn sie nett gleiche gedenkt weeich die Schwatze, wie sie die Schwatze ghalte henn do hiwwe. Die Quakers do hiwwe henn die Schwatze ghatt wie schklaafe. Not henn die Nidderdeitsche Mennische eppes gschriwwe degege, un an sell point, endlich, weil 'seerscht sinn sie nett ganz mit gange, un awwer schpeeder iss sell wass die Quaker geege Schklaaferei gedreet hott."

Amos: "Ya, awwer, seescht, du muscht verschtee, Dess waare deitsche Quaker un die Deitsche henn nie nett Schklaafe ghatt. Sie waare selwert schier gaar wie Schklaafe im alte Land, un sie waare nett enthused deweege. So viel vun 'ne waare Quakers. Mir henn en Brief ess saagt ess sie henn eppes vun en Oowet Gottesdienscht ghatte zamme mit die Quaker un doch henn die Mennische wie sie bei die Quaker waare satte gfielt wie Schoof unnie en Schoofhieder. Die Brief ess ich geleese hap waar iwwergesetzt in Englisch. "Sheep without a shepherd" hott's gsaat. Awwer der Melvin iss recht, un ess waar seller Deitsch Eifluss, ess die deitsche Quakers, ess vun die nidder Deitsche waare, sell Eifluss, un so henn sie mittennanner gschaft, ich wees nett wie lang, vielleicht siwwe jaar fer schuur.

En Zuheerer: "Wass waar die shtory mit die Miehl? Wass hott sell zu duh ghatt mit dei Gschicht?"

Amos: "Die Miehl, in Alsaess, wann du meindscht, ess leest en wennich do deweege. All die gebeire waare nunner gebrennt in die 30 Yaar Grieg. Un ess waar gebaut nooch sellem, nooch 1648. Sell waar es End vun der dreisich-yeerich Grieg. Un not waar die Miehl gebaut, in stages. Doh, du kannscht sehne

in dess Pickter, dess sinn zwee Schticker vun die Miehl doh, un dess doh iss en Haus. Unn sell Sign ess schteht neewich der Weeg, un der Weeg iss ganz drauss am Haus. So ess waar en HausMiehl, wie sie viel gebaut henn sell Zeit. Un epper hott gewohnt im Haus un hott die Miehl ghatte.”

Zuheerer: “Amos, Hoscht du gewisst ess en pickter vun selli Miehl dohinn iss, in dem Kalenner?”

Amos: “Ya, sell is vun fannebei. Ich wees nett ep ess ‘s seem period iss ess unsers. Ess guckt en wennich en annrere Color. Awwer, ya ich hap sell gemarrickt ghatte.

Die Leit realize-e nett wie important ess der Mensch Siddert iss. Er hott ess iwnergsetzt. Mei groosdaadi hawwich mei eerschi history lessons grickt devun. Unn er hott gschwetzt weech der Menno Simons un der Wald Densler. Yuuscht mir sinn gaar nett seeli Route unne kumme. Mir sinn aus die Reformation kumme. Unn er hott sell in sei glee History. ‘Siss en Anhang. Un all die Amische ess es gebet buch henn, ess sie alledaag yuuse, kenne ess leese. Der Anhang iss datt hinnedrin, seller History weege wie mir aus die Reformation kumme sinn.”

En zuheerer: “Waare die Schweitzer Brieder versammelt in selli Miehl an die Zeit ess sie ausgemacht henn fer die 18 articles aanemme?”

Amos: “Ya, sell is recht. Dess waare Schweitzer us es waare aa en paar Hollender runner kumme, including der Van Siddert, un henn sie iwwerzeikt, “Dess iss der Weeg fer geh. ‘Siss viel besser fer Mennischt heese. Unn dess is wass mir glaawe.... un not sie kenne meh freiwillich sie Geld gewwe aa....Die Hollender henn viel freiheit ghatte ess unser Leit nix gewisst henn devun. Die Miehl iss in Aelsaess, un die schteht noch, well die Mauere schtehn noch.”

En Zuheerer: “Hette sie die Miehl lang geyuust als en Versammlung Haus?”

Amos: “Ess waar yuuscht en Blatz fer anne geh wann du en Grupp vun 50 Leit ghatte hoscht. Ess waar en greeserie Schtubb ass wie die Heiser.”

Zu heerer: “Waar weer ewwer ess die Miehl ge-eegent hott, waar er en mit-glied unnich die Schweitzer Brieder?”

Amos: “Der Mann ess sie Gschprengt hott waar. Ich wees nett ep die Mennischte Land eegne henn deife adder property, yuuscht der Mann ess sie gschprengt hott hott Bowser geese, un er waar en Schweitzer.”

Zu heerer: “Ess sin en paar franzeesischi Neeme unnich Mennischde kumme ess aus Aelsaess kumme sinn. Wie Eewer. Eewer iss aus Franzeessisch kumme. Sell meent Schmidd is franzeesisch.”

Amos: “Ich waar gans aus Shape wuu unser Bus nett Schtoppe hott welle, awwer der Neil waar debei, mei eldschter Bu, unn er hott gsaat, “ Badder dich nett. Mir greige en Taxi un kumme widder raus.” So

mir sinn noch Colmar, sell iss vielleicht 12 Meil eweck. Colmar iss die Haupt Shtatt vun Aelsaess. "Colmaaar" heese sie es oft zeide. Unn doh iss aa noch eppes fer epper ess interessiert iss, 'siss in der mennonite encyclopedia page 536. Wu ess verzeelt uns weeich em Van Ziddert. Er waar en arrig wichdicher Mann, un mir dien gaar nett viel Ehr gewwe zu ihm."

Zuheerer: "Hoscht du gsaat ess seller Backeschtee kummt aus die Miehl?"

Amos: "Ya. Der Neil iss nei gange unn hott 's grickt unn not schpeeder henn mir gfroogt defor, wu mir am verlosse waare. Unn ich hap ihn en wennich eppes gewwe welle fer es, un er hott gsaat, "Nee."."

Zuheerer: "Dutt seller Backeschtee zerick daateme 400 jaar adder iss ess vun meh katzlichi Zeite?"

Amos: "Ya seller geht zerick zu wuu es gebaut waar, glaawich."

Zuheerer: "Darrefe mir gucke an der Backschtee?"

Amos: "Ya awwer ich bin viel bekimmert ess eppes haepent zum backeschtee. Ich hoff ess er watt nett vergratzt."

Zuheerer: "So der Backeschtee zeelt do in der Museum sei, an dem..."

Amos: "Ich wees nett. 'Siss deel sach alleweil noch an meim Haus ess die Leit mol samm Zeit aus figgere misse wu es gheert."

Lloyd, wass hawwich verfehlt?

Zuheerer: "Oh, ich meen du hoscht about alles gedroffe."

Amos: "Wann epper gaar nett interest iss inn unser History, why waar es e wennich Schweer."

Zuheerer: "Du hoscht gschwetzt weege die Amisch Schpalding. Die Mennische henn die 18 Articles aagenumme, hott sell nett satte gfiert zu wu der Jacob Ammond hott gschpiert sie sinn es nett am nooch kumme, un sie sette?"

Amos: "Ya, er hott geglaagt die Leit kumme nett nooch. Der Jacob Ammond waar nett weit vun dess, er waar ee Gschlecht (generation) schpeeder."

Zuheerer: "Siss interesting ess die zwee satte mennische waare an sellie Miehl."

Amos: "Ya, un die zwee seide sinn widder zamme kumme en jaar schpeeter. Awwer ich meen die Mennische henn geglaagt an die Meiting. Fer ess nett ganz so hatzhaftich halde, abbadich wann es waar zwischich Mann un Fraa.

Dess doh saagt "This label near Onnenheim Mill corresponds with page 58 in *Our Little confession of Faith, How our Swiss ancestors escaped into Alsaess and accepted this confession*. We soon lost our 'Swiss Brethern' label and received the name 'Mennonite'. Gilbert Brad first showed this mill to us in 1979 and stated how its importance may soon be lost." In unser glee bichli ess mir gewwe zu die Kinner ess zu die Gmee gehn, sie griege selli Bicher, "Our Little Confession of Faith", awwer 'sis en glee apkatzung vun es greeser Benjamin Eewe Bichli. Yuuscht ich meen, mir henn die Mattyrer Schpiggel gelese un 'sis en gut Buch, es bescht Buch ess mir henn, awwer mir henn en glee wennich verlore un vergesse weeich unser Heer-kummes. 'Sis viel meh un deutlich ausgschriwwe in der Hutterite Chronicle. Der Hutterite Chronicle hott viel de seeme Marttirer, yuuscht 'sis en ganz annrer Slant unn ess waar meh gedrei zuu die Schweitze Heer-kummes. Sell iss wie ich ess saage deet."

Zuheerer: "Waare die Hutterites vun die Schweitze?"

Amos: "Ya, sie waare aa. Actually, viel Leit wisse dess nett awwer 'sis en Buch ess *Überiche Brocken* heest ess die Schweitzer henn, un ich hap sell aartlich viel gschtudiert, un datt saagts wass die Unnterschidde waare vun der actual Schpalding. Die Schpalding waar in 1533 zwischich unser Gmee un die Hutterites.

Ich hap mol heere saage wu der zwett welt Grieg ferbei waar, ess waar 49% vun die Relief waar vun Freindschaft, unn 51% iss kumme vun Mennische un Amische. So sell is satte nei-gebaut fer annri helfe. Awwer die Hutterites nemme es weider. Sie saage es weert letz fer private Property hawwe, un nett yuuscht epper raus helfe. Unn 'sis verschaundlich wie weit ess sell geht. Es hott zuduh mit Tax betzaale, es hott zuduh mit Kinner educate-e....Es heest "Guute Gemeinschaft" Wie saage sie es in Englisch? "All Things is Common" adder "Community of Goods". Guute Gemeinschaft iss es haupt Ding fer die Hutterites awwer ess dutt aartlich weit aus breede. So wie ee Ding, in dem Brief vun 500 Bletter...Ess saagt vun die Schweitzer ess en Latt vun 'ne wuhne leehnich un griege gaar kenn ausbildung vun die Lanning fer die Kinner, un deel schicke die Kinner fatt zu fremmi Leit unn sell gheert nett. Die Hutterites henn gsaat "Du solsch dei Trade lanne vun dei eegni Leit." Unn sell hott zu duh mit Guude Gemeinschaft geht so viel weiter fer sie. Wass iss ess der Gary Waldner als saagt? 'Sis en glee schprichli. Ich kann es nett saage graat nau....En Schprichli ess hott zu duh mit guute Gmeindschaft. ... "Wann die Hauptsuucht nicht weer" ... Hauptsuucht denkich is Greed fer eppes hawwe...."Wann die Hauptsuucht nicht weer, weer Gemeinschaft nur halb so schwer." Ess reimt en bissel wann mer es saagt.

Ya well, es dinkt mich die Miehl watt andem ap-gelevelt ep zu lang. Ich wees nett wass es gebt.... "

Zuheerer: "Die Franzeesiche sehne sell nett wie ennich eppes wichtichs dieweil ess ess ausgebrennt iss?"

Amos: "Yo, 'sis wichdich, awwer wass wit du duh mit? Die annre henn ess aa glei, awwer ess waar nett in Zeit fer in dess Buch kumme. Des doh iss der eerscht Copy vun der eerscht Edition. Ich lang ess rum."

Zuheerer: "Ich hap an eppes gedenkt, Amos. Wei, weert es ennichi Geleegeheit ess mer niwwer geh kennt un die Miehl nunner reise un die Backe Schtee do riwwer bringe un widder uuf duh do hiwwe?"

Amos: "Well doh iss denkich, der eerscht Backeschtee. Ich meen die annre Leit ess bei uns waare waare nett so greedy. Sie henn yuscht schticker, ecke, genumme, awwer ich hap en ganser Backeschtee.

Ok ich denk ich bin about driwwer.

Well, denki fer uuf duh mit meim Geschpreech.